


六朝文絜

上冊



許棣評選  
朱鈞參校



# 六朝文繫

享金寶石齋  
臧版



道先五年乙酉七月訖功

敘

余盖深躔乎劉舍人  
之言也析詞尚絜朕  
則文至六朝絜吳乎  
曰繁冗莫六朝若吳





或曰既繁冗以復絜  
名之廉又何說曰繁  
冗奚慮夫蹊要所司  
職在鎔裁薙繁冗而  
絜是弋則絜者彌絜

吳繁冗奚慮哉往余  
齒舞勺輒喜繹徐庾  
諸家文塾師禁弗與  
夜篝鎧竊記之始末  
嘗不貽盲者鏡予鑿



者屨也習稍二久恍  
狀於三唐寔窳未有  
不胎息六朝者由此  
上泝漢魏裕如爾歲  
丙寅輯選斯帙不揆

窳陋為甄別其義延  
今二十禩吳易稿者  
數四凡售句比字据  
理務覈狀猶未濟其  
敵為歎二也今丰春

眎朱君蓀漚蓀漚喜  
欲狂亟鳩工鋟版閱  
七月歲事蓀漚曰子  
曷不駢言於首乎余  
曰是猶鳥雀于佛髻

放糞吳豈非虱不絜  
者類絜邪不獲已姑  
鎔落贅數語

道光五辛歲在旃蒙  
作噩壯月溥昌許棟

書于古韻閣



六朝文繫目錄

卷一

賦

蕪城賦

宋鮑照

月賦

謝莊

采蓮賦

梁元帝

蕩婦秋思賦

元帝

恨賦

江淹

別賦

江淹





麗人賦

沈約

小園賦

北周庾信

春賦

庾信

鏡賦

庾信

鐙賦

庾信

對燭賦

庾信

卷二

詔

敕條制禁奢靡詔

南齊武帝

舉賢詔

北魏孝文帝

與太子論彭城王詔

孝文帝

禁浮華詔

北齊文宣帝

敕

與臧燾敕

宋武帝

為武帝與謝朓敕

梁沈約

令

與湘東王論王規令

梁簡文帝

答羣下勸進初令

元帝

教

建平王聘隱逸教

梁江淹

永嘉郡教

邛遲

策問

永明九年策秀才文

齊南王融

天監三年策秀才文

梁任昉

表

為宋公至洛陽謁五陵表

宋傅亮

為蕭拜太尉揚州牧表

梁江淹

疏

為蕭驃騎謝慰勞表

江淹

經通天臺奏漢武帝表

陳沈炯

為陳六宮謝表

江總

與趙王倫薦戴淵疏

晉陸機

啟

為卞彬謝修卞忠貞墓啟

梁任昉

送橘啟

劉峻

謝始興王賜花紈篔簹啟

劉孝儀

謝東宮賚內人春衣啟

庾肩吾

謝明皇帝賜絲布等啟

北庾信

謝趙王賚絲布啟

庾信

謝趙王賚白羅袍袴啟

庾信

謝滕王賚馬啟

庾信

牋

辭隨王子隆牋

南謝朓

卷三

書

登大雷岬與妹書

宋鮑照

答新渝侯和詩書

梁簡文帝

與蕭臨川書

簡文帝

與劉孝綽書

簡文帝

追答劉秣陵沼書

劉峻

答謝中書書

陶宏景

為衡山侯與婦書

何遜

北使還與永豐侯書

劉孝儀

與宋元思書

吳均



與顧章書

吳均

與詹事江總書

陳後主

為王寬與婦義安主書

伏知道

復王少保書

周宏讓

與陽休之書

北魏祖鴻勳

與周宏讓書

北周王褒

為梁上黃侯世子與婦書

庾信

召王貞書

隋楊暕

卷四

移文

北山移文

南齊孔稚珪

序

玉臺新詠序

陳徐陵

論

鄭衆論

梁元帝

銘

石帆銘

宋鮑照

飛白書勢銘

鮑照

藥匱銘

鮑照

團扇銘

梁庾肩吾

後堂望美人山銘

北庾信

至仁山銘

庾信

梁東宮行雨山銘

庾信

碑

相官寺碑

梁簡文帝

誄

陶徵士誄

宋顏延之

祭文

宋孝武宣貴妃誄

謝莊

祭屈原文

宋顏延之

祭顏光祿文

王僧達

祭夫徐敬業文

梁劉令嫺

六朝文絜目錄

六朝文絜卷一

海昌許榘評選

朱鈞參校

賦

蕪城賦

宋鮑照

宋孝武時臨海王子瑱有逆謀照為參軍隨至廣陵見故城荒蕪乃漢吳王濞所都濞以叛逆被滅照因賦其事諷子瑱從盛時極力說入總為蕪字張本如此方有勢有力

瀟。地。平。原。南。馳。蒼。梧。漲。海。北。走。紫。塞。雁。門。施。以。漕。渠。軸。以。崑。岡。重。江。複。關。之。隩。四。會。五。達。之。莊。當。昔。全。盛。之。時。車。挂。鞶。人。駕。肩。塵。閉。撲。地。歌。吹。沸。天。孳。貨。鹽。田。鏟。利。銅。山。才。力。雄。富。士。馬。精。妍。故。能。多。秦。法。佚。周。令。劃。崇。墉。剝。濬。洫。圖。修。世。以。



筆筆從城字洗  
發此名手勝人  
處

極言其燕於濃  
腴中仍見奇峭  
絕不易得

無故而飛曰坐  
飛坐字鍊

休命是以版築雉堞之殷。井幹烽櫓之勤。格高  
五嶽。袤廣三墳。崒若斷岸。矗似長雲。制磁石以  
禦衝。糊頰壤以飛文。觀基局之固護。將萬祀而  
一君。出入三代。五百餘載。竟瓜剖而豆分。澤葵  
依井。荒葛冒塗。壇羅虺蜺。盛階闕磨。鼉木魅山鬼。  
野鼠城狐。風嗥雨嘯。昏見晨趨。饑鷹厲吻。寒鷗  
嚇雛。伏魃藏虎。乳血飡膚。崩榛塞路。崢嶸古堦。  
白楊早落。塞草前衰。稜稜霜氣。蔌蔌風威。孤蓬  
自振。驚沙坐飛。灌莽杳而無際。叢薄紛其相依。

有昔日之盛。即  
有今日之哀。兩  
段俱以二語免  
轉何等道勁

題字至此揭出  
收局感慨淋漓  
每讀一過令人  
輒喚奈何

通池既已夷。峻隅又已頽。直視千里外。唯見起  
黃埃。凝思寂聽。心傷已摧。若夫藻扃黼帳。歌堂  
舞閣之基。璿淵碧樹。弋林釣渚之館。吳蔡齊秦  
之聲。魚龍爵馬之玩。皆薰歇燼。滅光沈響。絕東  
都妙姬。南國麗人。蕙心紈質。玉貌絳脣。莫不埋  
魂幽石。委骨窮塵。豈憶同輿之愉樂。離宮之苦  
辛哉。天道如何。吞恨者多。抽琴命操。為蕪城之  
歌。歌曰。邊風急兮城上寒。井逕滅兮邛隴殘。千  
齡兮萬代。共盡兮何言。

月賦

宋謝莊

此賦假陳王仲宣立局與小謝雪賦同意茲刻遺雪取月者以雪描寫著迹月則意趣灑然所謂寫神則生寫貌則死怨遙傷遠一篇關目白露二句神來之筆看似平淡而實精縟作文須知此境

此段尚嫌著迹

陳王初喪應劉端憂多暇綠落生閣芳塵凝榭  
悄焉疚懷不怡中夜迺清蘭路肅桂苑騰吹寒  
山弭蓋秋阪臨濬壑而怨遙登崇岫而傷遠於  
時斜漢左界北陸南躔白露曖空素月流天沈  
吟齊章殷勤陳篇抽毫進牘以命仲宣仲宣跪  
而稱曰臣東鄙幽介長自邛樊昧道懵學孤奉  
明恩臣聞沈潛既義高明既經日以陽德月以  
陰靈擅扶光於東沼嗣若英於西冥引元兔於

數語無一字說月卻無一字非月清空澈骨穆然可懷

筆能赴情自情生於文正不必苦鏤而冲淡之味耐人咀嚼

帝臺集素娥於后庭胸眺警闕肫魄示冲順辰  
通燭從星澤風增華台室揚采軒宮委照而吳  
業昌淪精而漢道融若夫氣霽地表雲斂天末  
洞庭始波木葉微脫菊散芳於山椒鴈流哀而  
江瀨升清質之悠悠降澂輝之藹藹列宿掩縹  
長河韜映柔祇雪凝圓靈水鏡連觀霜縞周除  
冰淨君王乃厭晨權樂宵宴收妙舞弛清縣去  
燭房即月殿芳酒登鳴琴薦若乃涼夜自淒風  
篁成韵親懿莫從羈孤遞進聆皋禽之夕聞聽



房與防通房露  
古曲名陽阿古  
善歌者

以二歌總結全  
局與怨遙傷遠  
相應深情婉致  
有味外味後人  
摹擬便落套覺  
厭矣  
前寫月之始升  
此寫月之既沒  
畦運分明

朔管之秋引。於是絲桐練響。音容選和。徘徊房  
露。惆悵陽阿。聲林虛籟。淪池滅波。情紆軫其何  
託。愬皓月而長歌。歌曰。美人邁兮。音塵闕。隔千  
里兮。共明月。臨風歎兮。將焉歇。川路長兮。不可  
越。歌響未終。餘景就畢。滿堂變容。迴遑如失。又  
稱歌曰。月既沒兮。露欲晞。歲方晏兮。無與歸。佳  
期可以還。微霜霑人衣。陳王曰。善。迺命執事。獻  
壽羞璧。敬佩玉音。復之無斁。

采蓮賦

梁元帝

體物瀏亮斯為  
不負

生撰語卻佳以  
有藻飾所以讀  
之不厭  
腴鍊

紫莖兮文波。紅蓮兮芰荷。綠房兮翠蓋。素實兮  
黃螺。於時妖童媛女。蕩舟心許。鷁首徐迴。兼傳  
羽杯。櫂將移而藻挂。船欲動而萍開。爾其纖腰  
束素。遷延顧步。夏始春餘。葉嫩花初。恐沾裳而  
淺笑。畏傾船而斂裾。故以水濺蘭橈。蘆侵羅襪。  
菊澤未反。梧臺迴見。荇濕霑衫。菱長繞釧。汎柏  
舟而容與。歌采蓮於江渚。歌曰。碧玉小家女。來  
嫁汝南王。蓮花亂臉色。荷葉雜衣香。因持薦君  
子。願襲芙蓉裳。



起得超語淺而思深故妙

蕩婦秋思賦

梁元帝

蕩子之別十年倡婦之居自憐登樓一望惟見  
遠樹含煙平原如此不知道路幾千天與水兮  
相逼山與雲兮共色山則蒼蒼入漢水則涓涓  
不測誰復堪見鳥飛悲鳴隻翼秋何月而不清  
月何秋而不明況乃倡樓蕩婦對此傷情於時  
露萎庭蕙霜封階砌坐視帶長轉看腰細重以  
秋水文波秋雲似羅日黯黯而將暮風騷騷而  
渡河妾怨迴文之錦君思出塞之歌相思相望

逼真蕩婦情景  
琢磨入細

寫出幽憤意卻  
是可憐

史稱帝不好聲  
色頗有高名觀  
此婉麗多情余  
未之信

路遠如何鬢飄蓬而漸亂心懷疑而轉歎愁縈  
翠睂斂啼多紅粉漫已矣哉秋風起兮秋葉飛  
春花落兮春日暉春日遲遲猶可至客子行行  
終不歸

恨賦

梁江淹

恨別二賦乃文  
通創格  
通篇奇隋有韻  
語法俱自千鍾  
百鍊中來然卻  
無痕迹至分段  
敘事慷慨激昂  
讀之英雄雪涕  
帝王之恨

試望平原蔓草縈骨拱木斂魂人生到此天道  
寧論於是僕本恨人心驚不已直念古者伏恨  
而死至如秦帝按劍諸侯西馳削平天下同文  
共規華山為城紫淵為池雄圖既溢武力未畢

愈說得威赫愈  
覺得冷落筆法  
簡勁悲思淋漓  
列侯之恨

名將之恨

此段可與蘇子  
卿黃鶴一詩並  
讀

美人之恨

獨憐青冢幽恨  
誰知文語語悽  
絕

才士之恨

高人之恨

如此埋沒者不  
知凡幾一嘆

貧困之恨

榮華之恨

世事循環無端  
枯榮同歸一盡  
亟讀數過不異

方架龜鼉以為梁。巡海右以送日。一旦魂斷宮  
車晚出。若乃趙王既虜。遷於房陵。薄草心動。昧  
旦神興。別豔姬與美女。喪金輿及玉乘。置酒欲  
飲。悲來填膺。千秋萬歲。為怨難勝。至於李君降  
北。名辱身冤。拔劍擊柱。弔影慙魂。情往上郡。心  
留鴈門。裂帛繫書。誓還漢恩。朝露溘至。握手何  
言。若夫明妃去時。仰天太息。紫臺稍遠。關山無  
極。搖風忽起。白日西匿。隴鴈少飛。代雲寡色。望  
君王兮何期。終蕪絕兮異域。至乃敬通見抵。罷

歸田里。閉關卻埽。塞門不仕。左對孺人。右顧稚  
子。脫略公卿。跌宕文史。齎志沒地。長懷無已。及  
夫中散下獄。神氣激揚。濁醪夕引。素琴晨張。秋  
日蕭索。浮雲無光。鬱青霞之奇意。入修夜之不  
暘。或有孤臣危涕。孽子墜心。遷客海上。流戍隴  
陰。此人但聞悲風。汨起血下。霑衿亦復含酸。茹  
歎。銷落湮沈。若乃騎疊迹。車同軌。黃塵布地。歌  
吹四起。無不煙斷火絕。閉骨泉裏已矣哉。春草  
萋兮。秋風驚。秋風罷兮。春草生。綺羅畢兮。池館



冷水澆背熱心頓解

立格與恨賦同前以激昂勝此以柔婉勝起四字無限淒涼一篇之骨

行子

確是欲別未別光景但即眼前意無不入妙

居人

盡琴瑟滅兮邛隴平自古皆有死莫不飲恨而吞聲

別賦

梁江淹

黯。然。銷。魂。者。唯。別。而。已。矣。况。秦。吳。今。絕。國。復。燕。宋。今。千。里。或。春。落。兮。始。生。乍。秋。風。兮。颯。起。是。以。行。子。腸。斷。百。感。悽。惻。風。蕭。蕭。而。異。響。雲。漫。漫。而。奇。色。舟。凝。滯。於。水。濱。車。透。遲。於。山。側。櫂。容。與。而。詎。前。馬。寒。鳴。而。不。息。掩。金。觴。而。誰。御。橫。玉。柱。而。霑。軾。居。人。愁。臥。恍。若。有。凶。日。下。壁。而。沈。彩。月。上。

夕陽之悽月色之苦癡心夢想居人往往有此

富貴別

以下七段極摹黯然銷魂四字狀景寫物縷縷入情體陵於六朝的是鑿山通道巨手

任俠別

軒。而。飛。光。見。紅。蘭。之。受。露。望。青。楸。之。離。霜。巡。層。楹。而。空。揜。撫。錦。幕。而。虛。涼。知。離。寤。之。躑。躅。意。別。魂。之。飛。揚。故。別。雖。一。緒。事。乃。萬。族。至。若。龍。馬。銀。鞍。朱。軒。繡。軸。帳。飲。東。都。送。客。金。谷。琴。羽。張。兮。簫。鼓。陳。燕。趙。歌。兮。傷。美。人。珠。與。玉。兮。豔。暮。秋。羅。與。綺。兮。嬌。上。春。驚。駟。馬。之。仰。秣。聳。淵。漁。之。赤。鱗。造。分。手。而。銜。涕。感。寂。寞。而。傷。神。乃。有。劔。客。慙。恩。少。年。報。士。韓。國。趙。廁。吳。宮。燕。市。割。慈。忍。愛。離。邦。去。里。瀝。泣。共。訣。拔。血。相。視。驅。征。馬。而。不。顧。見。行。塵。



肝膽相酬有一  
往無前之概

從軍別  
高曠有餘全不  
彫琢而彫琢者  
莫能及

絕國別

暮想尊酒泣別  
情狀百般嗚咽  
歷歷如繪

折腰句醞釀有  
味

之時起方銜感於一劍非買價於泉裏金石震  
而色變骨肉悲而心死或乃邊郡未和負羽從  
軍遼水無極鴈山參雲閨中風暖陌上草薰日  
出天而曜景露下地而騰文鏡朱塵之照爛襲  
青氣之烟煜攀桃李兮不忍別送愛子兮霑羅  
裙至如一赴絕國詎相見期視喬木兮故里決  
北梁兮永辭左右兮魂動親賓兮淚滋可班荆  
兮贈恨唯尊酒兮敘悲值秋鴈兮飛日當白露  
兮下時怨復怨兮遠山曲去復去兮長河湄又

伉儷別

從軍別單拈春  
絕國別單拈秋  
此則四時具備  
乃古人用意變  
換處

方外別

卓犖有奇氣

狹邪別

若君居淄右。妾家河陽。同瓊佩之晨照。共金鑪  
之夕香。君結綬兮千里。惜瑤草之徒芳。慙幽閨  
之琴瑟。晦高臺之流黃。春宮闕此青落色。秋帳  
含茲明月光。夏簟清兮晝不算。冬釭凝兮夜何  
長。織錦曲兮泣已盡。迴文詩兮影獨傷。儻有華  
陰上士。服食還僊。術既妙而猶學。道已寂而未  
傳。守丹竈而不顧。鍊金鼎而方堅。駕鶴上漢。驂  
鸞騰天。躔游萬里。少別千年。唯世閒兮重別。謝  
主人兮依然。下有芍藥之詩。佳人之詞。桑中衛

極自然極幽秀  
有淵涵不盡之  
致想是筆花入  
夢時也

總論

一氣呵成有天  
驥下峻阪之勢

言盡意不盡

女上宮陳娥春草碧色春水綠波送君南浦傷  
如之何至乃秋露如珠秋月如珪明月白露光  
陰往來與子之別思心徘徊是以別方不定別  
理千名有別必怨有怨必盈使人意奪神駭心  
折骨驚雖淵雲之墨妙嚴樂之筆精金閨之諸  
彥蘭臺之羣英賦有凌雲之稱辯有雕龍之聲  
誰能摹暫離之狀寫永訣之情者乎

麗人賦

梁沈約

有客弱冠未仕締交戚里馳騫王室遨游許史

曼聲柔調顧盼  
有情自是六朝  
之雋  
意態曲盡即常  
情便有無限風  
致名手擅場必  
以此法

戛然而止局段  
自高

歸而稱曰狹邪才女銅街麗人亭亭似月嫵婉  
如春凝情待價思尚衣巾芳踰散麝色茂開蓮  
陸離羽佩襍錯花鈿響羅衣而不進隱明鐙而  
未前中步檐而一息順長廊而迴歸池翻荷而  
納影風動竹而吹衣薄暮延佇宵分乃至出閨  
入光含羞隱媚垂羅曳錦鳴瑤動翠來脫薄妝  
去留餘膩霑粉委露理鬢清渠落花入領微風  
動裾

小園賦

北周庾信



駢語至蘭成所謂采不滯骨馬而彌絮餘子只蠅鳴蚓竅耳乃唐令狐德棻等誤信本傳詆為淫放輕險詞賦罪人何愚不自量至此詩家如少陵且極推重況模範是出者安得不頹首邪

此賦前半俱從小園落想後半以鄉關之思為哀怨之詞近人摹擬是題一味

寫景賦物失之遠已

突接得宕遠之神

極意修飾而仍不黏滯此境惟蘭成獨擅

若夫一枝之上。巢父得安。巢之所。一壺之中。壺公有容身之地。况乎管寧藜牀。雖穿而可坐。嵇康鍛竈。既煖而堪眠。豈必連闥洞房。南陽樊重之第。綠墀青瑣。西漢王根之宅。余有數畝。敞廬寂寞人外。聊以擬伏臘。聊以避風霜。雖復晏嬰近市。不求朝夕之利。潘岳面城。且適閒居之樂。况乃黃鶴戒露。非有意於輪軒。爰居避風。本無情於鐘鼓。陸機則兄弟同居。韓康則舅甥不別。蝸角螽睫。又足相容者也。爾乃窟室徘徊。聊同

鑿坏。桐閒露落。柳下風來。琴號珠柱。書名玉杯。有棠梨而無館。足酸棗而非臺。猶得敲側八九丈。縱橫數十步。榆柳兩三行。梨桃百餘樹。撥蒙密兮見窗。行敲斜兮得路。蟬有翳兮不驚。雉無羅兮何懼。草樹混淆。枝格相交。山為簣覆。地有堂坳。藏狸並窟。乳鵲重巢。連珠細菌。長柄寒匏。可以療飢。可以棲遲。敝區兮狹室。穿漏兮茅茨。檐直倚而妨帽。戶平行而礙眉。坐帳無鶴支牀。有龜鳥多閒暇。花隨四時。心則歷陵枯木。髮則



二句乃叠股法  
讀之騷逸欲絕

酢倉故切味之  
酸醜者也醋在  
各切客酌主人  
也凡醯醋之醋  
當用酢酬酢之  
酢當用醋自唐  
以後互誤難改  
今人更夢夢矣

此段自傷屈體  
魏周至於疾病  
其春春故國之

思藹然言外  
蘿石見淮南子  
此即急就篇所  
稱石敢當也  
子山當日提挈  
老幼竝在於周  
故其言如此

此敘述在梁時  
官居侍從時際  
承平或陪侍於  
元武湖之觀或  
參從於鳳皇臺  
之墟如宣室之  
名賈誼長揚之  
獻揚雄御極一  
時之盛  
此言侯景之亂

睢陽亂絲。非夏日而可畏。異秋天而可悲。一寸  
二寸之魚。三竿兩竿之竹。雲氣蔭於叢著。金精  
養於秋菊。棗酸梨酢。桃杼李奠。落葉半牀。狂花  
滿屋。名為野人之家。是謂愚公之谷。試偃息於  
茂林。迺久羨於抽簪。雖有門而長閉。實無水而  
恆沈。三春負鉏相識。五月披裘見尋。問葛洪之  
藥性。訪京房之卜林。草無忘憂之意。花無長樂  
之心。鳥何事而逐酒。魚何情而聽琴。加以寒暑  
異令。乖違德性。崔駟以不樂損年。吳質以長愁

養病。鎮宅神以蘿石。厭山精而照鏡。屢動莊舄  
之唵。幾行魏顛之命。薄晚閒閨。老幼相攜。蓬頭  
王霸之子。椎髻梁鴻之妻。焦麥兩甕。寒菜一畦。  
風騷騷而樹急。天慘慘而雲低。聚空倉而雀噪。  
驚懶婦而蟬嘶。昔早濫於吹噓。藉文言之慶餘。  
門有通德。家承賜書。或陪元武之觀。時參鳳皇  
之墟。觀受釐於宣室。賦長揚於直廬。遂乃山崩  
川竭。冰碎瓦裂。大盜潛移。長離永滅。摧直轡於  
三危。碎平途於九折。荆軻有寒水之悲。蘇武有

大盜指侯景長  
離指梁武帝孫  
三危九折本險  
地而直轡以往  
視若平途致遭  
摧碎指梁武納  
侯景之降以有  
此亂荆軻蘇武  
指奉使西魏事  
瑣陳縷述悲感  
淋漓窮途一慟

六朝小賦每以  
五七言相雜成  
文其品致疏越  
自然遠俗初唐  
四子頗效此法

秀句如繡顧盼  
生姿不啻桃花  
醜面令人膚澤  
光悅

秋風之別關山則風月悽愴隴水則肝腸斷絕  
龜言此地之寒鶴訝今年之雪百齡兮儵忽菁  
華兮已晚不雪鴈門之跡先念鴻陸之遠非淮  
海兮可變非金丹兮能轉不暴骨於龍門終低  
頭於馬阪諒天造兮昧昧嗟生民兮渾渾

春賦

北庾 信

空春苑中春已歸披香殿裏作春衣新年鳥聲  
千種轉二月楊花滿路飛河陽一縣併是花金  
谷從來滿園樹一叢香草足礙人數尺游絲即

橫路開上林而競入擁河橋而爭渡出麗華之  
金屋下飛燕之蘭宮釵朵多而訝重髻鬟高而  
畏風眉將柳而爭綠面共桃而競紅影來池裏  
花落衫中落始綠而藏魚麥纔青而覆雉吹簫  
弄玉之臺鳴佩凌波之水移戚里而家富入新  
豐而酒美石榴聊汎蒲桃醞醕芙蓉玉盃蓮子  
金杯新芽竹筍細核楊梅綠珠捧琴至文君送  
酒來玉管初調鳴弦暫撫陽春淥水之曲對鳳  
迴鸞之舞更炙笙簧還移箏柱月入歌扇花承

生綻可喜



句亦如天鹿錦  
鳳皇綾多從組  
織得來

一結宵邈

選聲鍊色此造  
極巔吾於子山

節鼓協律都尉射雉中郎停車小苑連騎長楊  
金鞍始被柘弓新張拂塵看馬埒分朋入射堂  
馬是天池之龍種帶乃荆山之玉梁豔錦安天  
鹿新綾織鳳皇三日曲水向河津日晚河邊多  
解神樹下流杯客沙頭渡水人鏤薄窄衫袖穿  
珠帖領巾百丈山頭日欲斜三晡未醉莫還家  
池中水影縣勝鏡屋裏衣香不如花

鏡賦

北庚 信

天河漸沒日輪將起燕噪吳王烏驚御史玉花

無復遺恨矣

倚語閒情紛糝  
相引如入石季  
倫錦步障中令  
人心醉目炫

刻畫細緻

婉約微妙斌媚  
可憐昔人評開  
府文謂其辭生  
於情氣餘於采  
信然

簾上金蓮帳裏始摺屏風新開戶扇朝光晃眼  
早風吹面臨桁下而牽衫就箱邊而著釧宿鬟  
尚卷殘妝已薄無復脣珠纔餘眉萼靨上星稀  
黃中月落鏡臺銀帶本出魏宮能橫卻月巧挂  
迴風龍垂匣外鳳倚花中鏡乃照膽照心難逢  
難值鏤五色之盤龍刻千年之古字山雞看而  
獨舞海鳥見而孤鳴臨水則池中月出照日則  
壁上菱生暫設裝奩還抽鏡屨競學生情爭憐  
今世鬢齊故略眉平猶剃飛花埽子次第須安



娟麗無匹體貼入微

極鍾鍊亦極波

烘染蘊藉

音簡韵健光采煥鮮六朝中不可多得

風致灑然句法為唐人所祖

收束妙有含蓄

朱開錦躡。黛蘸油檀。脂和甲煎。澤漬香蘭。量髻鬢之長短。度安花之相去。縣媚子於搔頭。拭釵梁於粉絮。梳頭新罷。照著衣。還從妝處取將歸。暫看絃繫。縣知纈縵。衫正身長。裙斜假襜。真成箇鏡。特相宜。不能片時藏匣裏。暫出園中也自隨。

鐙賦

北庾 信

九龍將暝。三爵行棲。瓊鈎半上。若木全低。窗藏明於粉壁。柳助暗於蘭閨。翡翠珠被。流蘇羽帳。

舒屈膝之屏風。掩芙蓉之行障。卷衣秦后之牀。送枕荆臺之上。乃有百枝同樹。四照連盤。香添然蜜氣。襍燒蘭燼。長宵久光。青夜寒秀。華掩映。蛭膏照灼。動鱗甲於鯨魚。燄光芒於鳴鶴。蛾飄則碎。花亂下。風起則流星。細落。况復上蘭深夜。中山醕清。楚妃留客。韓娥合聲。低誦著節。游絃絕鳴。輝輝朱燼。燄燄紅榮。乍九光而連綵。或雙花而竝明。寄言蘇季子。應知餘照情。

對燭賦

北庾 信

軒然而來筆力  
峭秀

清澈之調復有  
藻語潤飾故足  
凌跨一時

蘭麝可渝芳詞  
靡歇駢枝家言  
此焉高唱矣

龍沙。鴈塞。甲應寒。天山月沒。客衣單。鐙前。析衣。  
疑不亮。月下穿。鍼覺最難。刺取鐙花。持桂燭。還  
卻。鐙檠下。燭盤鑄。鳳銜蓮圖。龍竝眠。燼高疑。數  
翦心。溼。暫難然。銅荷承淚。蠟鐵鈹。染浮煙。本知  
雪光能映紙。復訝鐙花今得錢。蓮帳寒。檠窗拂  
曙筠。籠熏火。香盈絮。旁垂細溜。上繞飛蛾。光清  
寒入。燄暗。風過。楚人纓脫盡。燕君書誤多。夜風  
吹。香氣隨。鬱金苑。芙蓉池。秦皇辟惡不足道。漢  
武胡香何物奇。晚星沒。芳蕪歇。還持照夜游。詎

減西園月。



六朝文絜卷一

六朝文絜卷二

海昌許棟評選

朱鈞參校

詔

敕條制禁奢靡詔

南武帝

語質而厚漢詔之遺  
諸選本竝脫曳字从舊刻古文  
管窺補  
風俗之敝古今  
一轍讀此為之  
慨然

三季澆浮。舊章陵替。吉凶奢靡。動違矩則。或裂錦曳繡。以競車服之飾。塗金鏤石。以窮瑩域之麗。至斑白不婚。露棺累葉。苟相姘衒。罔顧大典。可明為條制。嚴勒所在。悉使畫一。如復違犯。依事糾奏。

魏帝能文章者  
僅孝文爾句法  
歷落竝無堆垛  
裝點視南五朝  
蔑如矣

文人之筆帝王  
之度只如此便  
佳

高祖不豫託總  
國事總苦辭求  
退世宗為太子  
高祖手詔言之

舉賢詔

魏孝文帝

炎陽爽節。秋零卷澍。在予之責。實深悚慄。故輟膳三晨。以命上訴。靈鑒誠款。曲流雲液。雖休弗休。寧敢愆怠。將有賢人。湛德高士。凝棲雖加。詮采未能。招致其精。訪幽谷。舉茲賢彥。直言極諫。匡予不及。

與太子論彭城王詔

魏孝文帝

汝第六叔父。勰清規懋賞。與白雲俱潔。厭榮舍紱。以松竹為心。吾少與綢繆。提攜道趣。每請解

訓子全弟具是  
數言深致亮懷  
藹乎如見

洞澈末流惡習  
大似箴銘格言  
誰謂齊梁間盡  
靡靡之奏邪今  
之士大夫當書  
此於門屏几席  
可以起癡疾鍼  
膏育矣

朝纓恬真邛壑。吾以長兄之重。未忍離遠。何容仍屈素業。長嬰世網。吾百年之後。其聽勰辭。蟬舍冤。遂其冲挹之性。無使成王之朝。翻疑姬旦之聖。不亦善乎。汝為孝子。勿違吾敕。

禁浮華詔

齊北文宣帝

頃者風俗流宕。浮競日滋。家有吉凶。務求勝異。婚媾喪葬之費。車服飲食之華。動竭歲資。以營日富。又奴僕帶金玉。婢妾衣羅綺。始以勦出為奇。後以過前為麗。上下貴賤。無復等差。今運屬



陟住絕奇

燾為太學博士  
參右將軍何無  
忌軍事隨府轉  
鎮南將軍高祖  
鎮京口與燾敕

麗語能樸雋語  
能淳忘其駢偶  
誥敕之文如此  
柰何輕議六朝

天監初肅與何  
允何點並徵不  
至逃竄年餘一  
且輕舟自詣闕  
下時即以爲司  
徒尚書令乃復  
不省職事衆頗  
失望然則肅益  
守節不終者既  
拜新命且不稱  
職亦何足當此  
敕邪

維新。思蠲往弊。反樸還淳。納民軌物。可量事具。立條式。使儉而獲中。

與臧燾敕

宋武帝

頃學尚廢弛。後進頽業。衡門之內。清風輟響。良由戎車屢警。禮樂中息。浮夫近志。情與事染。豈可不敷崇墳籍。敦厲風尚。此境人士。子姪如林。明發搜訪。想聞令軌。然荆玉含寶。要俟開瑩。幽蘭懷馨。事資扇發。獨習寡悟。義著周典。今經師

不遠。而赴業無間。非唯志學者鮮。或是勸誘未至。邪。想復宏之。

為武帝與謝肅敕

梁沈約

吾以菲德。屬當期運。鑒與吾賢。思隆治道。而明不遠。燭所蔽者多。實寄賢能。匡其寡闇。嘗謂山林之志。上所宜宏。激貪厲薄。義等為政。自居元首。臨對百司。雖復執文經武。各修厥職。羣才競爽。以致和美。而鎮風靜俗。變教論道。自非箕穎高人。莫膺茲寄。是用虛心側席。屬想清塵。不得

宕起極有意致  
令人不可捉摸  
紆誦也見說文  
解字

規字威明簡文  
為晉安王規為  
長史及立為太  
子規為太子中

庶子大同二年  
卒簡文出臨哭  
與湘東王此令  
劉子謂中庶子  
遵也先規一年  
卒諸選本以簡  
文為昭明劉為  
孝綽並誤

元帝性好矯飾  
始居文宣太后  
憂依丁蘭作木  
母及武帝崩祕  
喪踰年乃發凶  
問狡人好語固

不屈茲獨往。同此濡足。便望釋蘿襲袞。出野登  
朝。必不以湯有慙德。武未盡善。不降其身。不屈  
其志。使璧帛虛往。蒲輪空歸。傾首東路。望兼立  
表。義軒邈矣。古今殊事。不獲總駕。崆峒依風。問  
道。今方復引領雲臺。虛己宣室。紆賢之媿。載結  
寢興。

令

與湘東王論王規令

梁簡文帝

威明昨宵。奄復殂化。甚可痛傷。其風韻道上。神

采標映千里。絕迹百尺。無枝文辨。縱橫才學。優  
瞻跌宕之情。彌遠濠梁之氣。特多斯實。俊民也。  
一爾過隙。永歸長夜。金刀掩芒。長淮絕涸。去歲  
冬中。已傷劉子。今茲寒孟。復悼王生。俱往之傷。  
信非虛說。

答群下勸進初令

梁元帝

孤以不德。天降之災。枕戈飲膽。扣心泣血。風樹  
之酷。萬始莫追。霜露之哀。百憂總萃。甫聞伯升  
之禍。彌切仲謀之悲。若封豕既殲。長蛇即戮。方



不足信也

引古立案構思  
精而撰語隋

欲追延陵之逸軌。繼子臧之高讓。豈資秋亭之  
壇。安事繁陽之石侯。景項籍也。蕭棟殷辛也。赤  
泉未賞。劉邦尚曰。漢王白旗。弗縣周發。猶稱太  
子。飛龍之位。孰謂可躋。附鳳之徒。既聞來儀。群  
公卿士。其喻孤之志。無忽

教

建平王聘隱逸教

梁江淹

宋建平王景素  
文帝第七子宏  
之子也。位南徐  
州刺史。加都督  
好文章。書籍招  
集才異之士。時

府州國紀綱。夫媯夏已沒。大道不行。雖周惠之  
富。猶有漁潭之士。漢教之隆。亦見棲山之夫。迹

廢帝不道。內外  
皆屬意景素。而  
楊運長等深忌  
之。元徽四年。或  
告景素臺城已  
潰。景素即舉兵  
為臺軍。所殺  
處處。矜鍊宵遛  
絕非肥豔。濃香  
故妙

絕。雲氣意。負青天。皆待絳螭。驤首翠虬。來儀是  
以遺風。獨扇百代。餘烈激厲。後生斯乃王教之  
助。古人之意焉。吾稅駕舊楚。憩乘汀潭。挹於陵  
之操。想漢陰之高。而山川遐久。流風亾沫。養志  
數人。竝未徵采。善操將棄。良用慨然。宜速詳舊  
禮。各遣纁招。庶暢此幽襟。以旌蓬華

永嘉郡教

梁邛遲

武帝時。遲為永  
嘉太守。今浙江  
温州府  
鍾嶸評其詩點  
綴映媚。似落花  
依草觀此益信

貴郡控帶山海。利兼水陸。實東南之沃壤。一都  
之巨會。而曝背拘牛。屢空於畎畝。績麻治絲。無

典質既勝不事  
麗采近人何從  
夢見

此專以勸農為  
主援古證今立  
言不苟開唐宋  
人表啟碑序法  
門

聞於室巷。其有耕灌不修。桑榆靡樹。遨游鄠里。  
酣醕卒歲。越伍乖隣。流宕忘返。才異相如。而四  
壁獨立。高慙仲蔚。而三徑沒人。雖謝文翁之正  
俗。庶幾龔遂之移風。

策問

永明九年策秀才文

齊王融

問昔周宣情千畝之禮。號公納諫。漢文缺三推  
之義。賈生置言。良以食惟民天。農為政本。金湯  
非粟而不守。水旱有待而無遷。朕式照前經。寶

秀語

爰易也見賈逵  
國語注

史起引漳水溉  
田民歌之曰終  
古烏鹵兮生稻  
梁白公引涇水  
溉田因名白渠  
竝見史記

此專以訓學為  
主蕭老公喜事  
鋪張故其臣亦  
每為夸飾

茲稼穡祥正而青旗肅事。土膏而朱紘戒典。將  
使杏花菖葉。耕穫不愆。清暵冷風。述遵無廢。而  
釋耒佩牛。相沿莫反。兼貧擅富。寔以為俗。若爰  
井開制。懼驚擾愚民。烏鹵可腴。恐時無史白。興  
廢之術。矢陳厥謀。

天監三年策秀才文

梁任昉

問朕本自諸生。弱齡有志。閉戶自精。開卷獨得。  
九流七略。頗嘗觀覽。六藝百家。庶非牆面。雖一  
日萬機。早朝晏罷。聽覽之暇。三餘靡失。上之化



宥逸泓蔚雅有  
真致

晉書義熙十二  
年洛陽平裕命  
修晉五陵置守  
備

雍於用切司雍  
司州雍州也

以深婉之思寫  
悲涼之態低徊  
百折真令人一  
讀一擊節也

不甚斷削然曲  
折有勁氣六朝  
章奏季友不媿  
專門

下。草偃風從。惟此虛寡。弗能動俗。昔紫衣賤服。  
猶化齊風。長纓鄙好。且變鄒俗。雖德慙往。賢業  
優前事。且夫搢紳道行。祿利然也。朕傾心駿骨。  
非懼真龍。輜駟青紫。如拾地芥。而情游廢業。十  
室而九。鳴鳥茂聞。子衿不作。宏獎之路。斯旣然  
矣。猶其寂莫。應有良規。

表

為宋公至洛陽謁五陵表 宋傅亮

臣裕言。近振旅河湄。揚旌西邁。將屆舊京。威懷

司雍。河流遄疾。道阻且長。加以伊洛榛蕪。津塗  
久廢。伐木通徑。淹引時月。始以今月十二日。次  
故洛水浮橋。山川無改。城闕為墟。宮廟隳頓。鐘  
虞空列。觀宇之餘。鞠為禾黍。塵里蕭條。雞犬罕  
音。感舊永懷。痛心在目。以其月十五日。奉謁五  
陵墳塋。幽淪百年。荒翳天衢。開泰情禮。獲申故  
老。掩涕三軍。悽感瞻拜之日。憤慨交集。行河南  
太守毛修之等。旣開翦荆棘。繕修毀垣。職司旣  
備。蕃衛如舊。伏惟聖懷。遠慕兼慰。不勝下情。謹

太尉齊明帝蕭  
鸞也高帝猶子  
嘗為揚州刺史

琢采秀削別開  
與突昔人譏其  
句向生澀余謂  
醴陵佳處即在  
生澀上  
寸亮四句言其  
重讓不允也

遣傳詔殿中中郎臣某奉表以聞。

為蕭拜太尉揚州牧表 梁江淹

元文既降。雕牒增輝。禮藹前英。寵華昔典。仰震  
威容。俯慙陋識。心魂戰慄。若殞若殯。臣景能驗  
才無假外鏡。撰已練志。久測內涯。故讓不飾迹。  
辭非謙距。寸亮尺素。頻觸瑤纊。丹情實理。備塵  
珠冕。而神居寂阻。九重嚴絕。徒懷漢臣伏闕之  
誠。竟無魯人迴日之感。所以迴懼鴻威。後奔殊  
令者也。既而永鑒隆魏。緬思宏晉。國之大政。在

紐擘也見廣雅  
釋言

與思奇兀獨具  
鑪錘

造句精絕

功與位。故靜民紐亂。不處輿臺之下。去勲舍德。  
寧班袞司之上。咸以休對性業。裁成器靈。詎有  
移風變範。克耀倫序者乎。今臣績不炤。民忠豈  
空。國名爵赫曦。僂俛優忝。陛下久超異禮之榮。  
越次殊常之秩。雖寢寐矜戰。曲垂哀亮。而璽冊  
冲正。愈賜砥礪。今便肅順天誥。恭聞睿典。審躬  
酌私。必跋危撓。將恐氓俗。由此方擾。軌訓以之  
交蕪。臣豈不勉智罄忠。未知所以報奉淵聖。輸  
感霄極。取諸微躬。長為慙荷。



齊明帝嘗為驃騎大將軍

用筆深刻布采陸離或謂其琢削過甚少瀨達之風然此乃作者結搆苦心非好為艱深也

為蕭驃騎謝被侍中慰勞表

梁江淹

臣某言。即日侍中秘書監臣戢至。奉宣詔旨慰勞。便受轂中帷練甲外壘。旌苑蔽景。輿徒競氣。人懷秋嚴。士蓄霜斷。晦魂已掩。氣豎未縣。稽鉞竝威。寢興震慨。今王人臨郊。皇華降庭。輝耀望實。將激威武。戴鷦之夫。迎光蹠恩。投石之師。攀炤竦惠。楚續越醪。方茲慙潤。臣忝屬閭私。彌抱渥洽。不任下情。

經通天臺奏漢武帝表

陳沈炯

荆州陷炯為西魏所虜以母老在東恒思歸國嘗獨行經漢武通天臺為表奏之陳已思歸之意其夜夢有宮禁之所兵衛甚嚴便以情事陳訴聞有人言甚不惜放卿還幾時可至少日果與王克等竝獲東歸

臣聞橋山雖掩鼎湖之竈可祠有魯遂荒大庭之迹無泯伏惟陛下降德猗蘭纂靈豐谷漢道既登神僊可望射之罘於海浦禮日觀而稱功橫中流於汾河指柏梁而高宴何其甚樂豈不然與既而運屬上僊道窮晏駕甲帳珠簾一朝零落茂陵玉盃遂出人閒凌雲故基與原田而膺膺扶風餘趾帶陵阜而芒芒羈旅縲臣能不落淚昔承明既厭嚴助東歸駟馬可乘長卿西

樂沒其蹟獨此文可稱知已

一意雕繪語語精絕恨不喚起十三行鈔手玉版書之

長其聲價固當一字一緣

反恭聞故實竊有愚心黍稷非馨敢望徼福但  
雀臺之弔空愴魏君雍邛之祠未光夏后瞻仰  
煙霞伏增悽戀

為陳六宮謝表

陳江 總

鶴籥晨啓雀釵曉映恭承盛典肅荷徽章步動  
雲袿香飄霧縠媿纏豔粉無情拂鏡愁縈巧黛  
息意臨窗妾聞漢水贈珠人間絕世洛川拾翠  
僊處無雙或有風流行雨窈窕初日聲高一笑  
價起兩環乃可桂殿迎春蘭房侍寵借班姬之

扇未掩驚羞假蔡琰之文寧披悚戴

疏

與趙王倫薦戴淵疏

晉陸 機

戴淵少時游俠不治行檢陸機赴假還洛輜重甚盛淵使少年掠劫淵在岍上據胡牀指麾左右皆得其宜機於船屋上遙謂之曰卿才如此亦復作劫邪淵便泣涕投劍歸機機彌重之定交作筆薦焉寥寥數語大旨

蓋聞繁弱登御然後高墉之功顯孤竹在肆然後降神之曲成是以高世之主必假遠邇之器蘊匱之才思託大音之和伏見處士廣陵戴若思年三十清沖履道德量允塞思理足以研幽才鑒足以辨物安窮樂志無風塵之慕砥節立行有井渫之潔誠東南之遺寶宰朝之奇璞也



已得不似後人  
鋪張揚厲稱過  
其實以此益見  
晉人之高

忠貞名壺字望  
之晉尚書令永  
嘉中蘇峻稱兵  
六軍敗績壺赴  
賊二子矜盱隨  
從俱為賊所害  
贈侍中開府諡  
忠貞後七十餘  
年盜發其墓尸  
僵如生鬚髮蒼

然爪甲穿手背  
安帝賜錢十萬  
封之入梁復毀  
武帝又加修治  
彥昇文簡鍊入  
韻絕無畦町可  
窺所謂秀采外  
揚深衷內朗其  
體格當在休文  
之上

結畫短篇朗潤  
芬烈讀之覺生  
香如挹紙上

若得託迹康衢則能結軌驥驟曜質廊廟必能  
垂光璵璠矣。惟明公垂神采察不使忠允之言  
以人而廢。

啟

為卞彬謝修卞忠貞墓啟 梁任昉

臣彬啟。伏見詔書并鄭義泰宣敕。當賜修理。臣  
亡高祖晉故驃騎大將軍建興忠貞公壺墳塋。  
臣門緒不昌。天道所昧。忠構身危。孝積家禍。名  
教同悲。隱淪惆悵。而年世貿遷。孤裔淪塞。遂使

碑表蕪滅。邛樹荒毀。狐兔成穴。童牧哀歌。感慨  
自哀。日月纏迫。陛下宏宣教義。非求效於方今。  
壺餘烈不泯。固陳力於異世。但加等之渥。近闕  
於晉典。樵蘇之刑。遠流於皇代。臣亦何人。敢謝  
斯幸。不任悲荷之至。謹奉啟事以聞。謹啟。

送橘啟

梁劉峻

南中橙甘。青鳥所食。始霜之旦。采之風味。照座  
劈之。香霧噴人。皮薄而味珍。脈不黏。膚食不留。  
滓。甘踰萍實。冷亞冰壺。可以熏神。可以芼鮮。可

蕭愔字僧達文帝第十一子天監元年封始興郡王綺藻宣茂不滯於俗

窮狀物之妙盡摛詞之致

明皇帝周世宗宇文毓也文帝

以漬蜜。瓊鄉之果。寧有此邪。

謝始興王賜花紈簟啟

梁劉孝儀

麗兼桃象。周洽昏明。便覺夏室已寒。冬裘可襲。雖九日煎沙香粉。猶弃三旬沸海團扇。可捐

謝東宮賚內人春衣啟

梁庾肩吾

階邊細草。猶推綏葉之光。戶前桃樹。翻訝藍花之色。遂得裾飛。合鷺領鬪。分鸞試顧。采薪皆成。留客。

謝明皇帝賜絲布等啟

北庾信

長子閔帝庶兄

舉體皆奇。婦除庸響。唐人自玉。谿金荃而下。不能擬隻字。

極華瞻而不嫌於纖故妙

臣某啟。奉敕垂賜雜色絲布綿絹等三十段。銀錢二百文。某比年以來。殊有缺乏。白社之內。拂草看冰。靈臺之中。吹塵視甑。對妻狠妾。既嗟且憎。瘠子羸孫。虛恭實怨。王人忽降。大賚先臨。天帝賜年。無踰此樂。仙童贈藥。未均斯喜。張袖而舞。元鶴欲來。撫節而歌。行雲幾斷。所謂舟楫無岸。海若為之反風。薺麥將枯。山靈為之出雨。况復全抽素繭。雲版疑傾。併落青鳧。銀山或動。是知青牛道士。更延將盡之命。白鹿真人。能生已



如比目魚兩兩  
相對可謂工巧  
無敵

趙王名招周文  
帝第七子博涉  
羣書好屬文學  
開府體武成初  
封趙國公後進  
爵為王  
史稱趙滕諸王  
與信周旋款至  
有若布衣之交

賦物典覈而意  
趣仍復灑然自  
是啟牋抄手

葩采迅發情韵  
欲流

枯之骨。雖復拔山超海。負德未勝。垂露縣鉞。書  
恩不盡。蓬萊謝恩之雀。白玉四環。漢水報德之  
蛇。明珠一寸。某之觀此。寧無媿心。直以物受其  
生。於天不謝。謹啟。

謝趙王賚絲布啟

北庾 信

某啟。奉教垂賚雜色絲布三十段。去冬凝閉。今  
春嚴勁。霰似瓊田。凌如鹽浦。張超之壁未足障  
風。袁安之門無人開雪。覆鳥毛而不暖。然獸炭  
而逾寒。遠降聖慈。曲垂矜賑。諭其蠶月。殆罄桑

車。津實秉杼。幾空織室。遂令新市數錢。忽疑販  
綵。平陵月夜。驚聞擣衣。妾遇新縑。自然心伏。妻  
聞裂帛。方當含笑。莊周車轍。實有涸魚。信陵鞭  
前。元非竊鳥。仰蒙經濟。伏荷聖慈。

謝趙王賚白羅袍袴啟 北庾 信

某啟。垂賚白羅袍袴一具。程據上表。空諭雉頭。  
王恭入雪。虛稱鶴氅。未有縣機。巧縹變緝。奇文  
鳳不去。而恆飛。花雖寒。而不落。披千金之暫暖。  
棄百結之長寒。永無黃葛之嗟。方見青綾之重。

屬對精緻

滕王名道周文帝第十三子少好經史解屬文開府集序係道所撰初封滕國公進爵為王幽峭雅至斯為六朝碎金

隨郡王蕭子隆齊武帝第八子

對天山之積雪。尚得開衿。冒廣厦之長風。猶當揮汗。白龜報主。終自無期。黃雀謝恩。竟知何日。

謝滕王賚馬啟

北庾信

某啟。奉教垂賚烏騮馬一匹。柳谷未開。翻逢紫鷲臨源。猶遠忽見。桃花流電。爭光浮雲。連影張敞。畫眉之暇。直走章臺。王濟飲酒之歡。長驅金埒。

牋

辭隨王子隆牋

南謝朓

為都督荆州刺史好詞賦朓為子隆鎮西功曹轉文學尤被賞愛長史王秀之以朓年少密啟聞武帝朓知之因事求還歲辭子隆執筆便成文無點易通篇情思婉妙絕去粉飾肥豔之習便覺濃古有餘味

故吏文學謝朓死罪死罪即日被尚書召以朓補中軍新安王記室參軍朓聞潢汙之水願朝宗而每竭。駑蹇之乘。希沃若而中疲。何則。皋壤搖落。對之惆悵。歧路西東。或以歎喟。况乃服義徒擁。歸志莫從。邈若墜雨。翩似秋蒂。朓實庸流。行能無算。屬天地休明。山川受納。褒采一介。抽揚小善。故舍耒場。圃奉筆兔園。東亂三江西浮。七澤契闊戎旃。從容讌語。長裾日曳。後乘載脂。榮立府庭。恩加顏色。沐髮晞陽。未測涯涘。撫臆



安采幽茂古力  
蟠注乃六朝人  
真實本領

論報早誓肌骨不寤滄溟未運波臣自蕩渤澥  
方春旅翮先謝清切藩房寂寥舊葦輕舟反溯  
弔影獨留白雲在天龍門不見去德滋永思德  
滋深唯待青江可望候歸艗於春渚朱邱方開  
效蓬心於秋實如其簪履或存衽席無改雖復  
身填溝壑猶望妻子知歸攬涕告辭悲來橫集  
不任犬馬之誠

六朝文絜卷二

